



PRAVILA ZA UČEŠĆE U AKCIJI OCJENJIVANJA KVALITETA PREHRAMBENIH PROIZVODA "SIMBOL KVALITETA" 2009.

Akcija ocjenjivanja kvaliteta i higijenske ispravnosti (zdravstvene ispravnosti) prehrambenih proizvoda "SIMBOL KVALITETA" organizira se, sa osnovnim ciljem:

- povećanja kvaliteta prehrambenih proizvoda prisutnih na tržištu Bosne i Hercegovine i šire regije;
- uspostavljanja uslova za realnu tržišnu konkurentnost u skladu sa svjetskim standardima;
- odavanja priznanja proizvođačima najboljih prehrambenih proizvoda;
- dugoročnog marketinškog obilježavanja najboljih prehrambenih proizvoda;
- promocije najboljih proizvoda i
- indirektno zaštite potrošača.

- **Za učešće u Akciji "SIMBOL KVALITETA" mogu se prijaviti** svi proizvođači prehrambenih proizvoda - domaći i strani, uz poštivanje ovih Pravila. Prijavu za učešće u Akciji mogu podnijeti i ovlaštene distributeri prehrambenih proizvoda, s tim da uz Prijavu za učešće u Akciji mora biti priložena pismena saglasnost principala - izvornog proizvođača proizvoda koji se prijavljuje za ocjenjivanje. Pravno lice koje prijavljuje proizvode stiče status: Učesnik u Akciji "**SIMBOL KVALITETA**".
- **Proizvod koji se prijavljuje za ocjenjivanje mora biti svrstan u jednu od deset (10) navedenih grupa proizvoda:**

a) meso i mesne prerađevine	e) bezalkoholna pića	g) konditorski proizvodi
b) mlijeko i mliječne prerađevine	- prirodna izvorska i mineralna voda	h) proizvodi od tijesta
c) voće i povrće i njihove prerađevine	- osvježavajuća pića (sokovi)	i) začini, aditivi i konzervansi
d) alkoholna pića,	f) ulja i masti	j) čajevi i kafa

Svrstavanje proizvoda vrši učesnik ispunjavanjem Prijave za učešće. Kontrolu razvrstavanja vrši Komisija za šifriranje i pripremu uzoraka. **Prijava za učešće** u Akciji mora biti u potpunosti ispunjena pisačom mašinom ili verzalnim slovima i ovjerena od strane Učesnika. Prijava se dostavlja Organizatoru u roku naznačenom na Prijavi.

Četiri (4) uzorka proizvoda prijavljenog za ocjenjivanje dostavljaju se Sajmu **24.04. I 25.04.2009. do 15,00 sati**. Proizvodi za koje je propisano da se čuvaju na hladnom mjestu trebaju biti dostavljeni u priručnom frižideru. Svi proizvodi će biti podvrgnuti postupku ispitivanja i ocjenjivanja u roku od četiri (4) dana. Ispitivanje i ocjenjivanje vrši osposobljena i ovlaštena adekvatna javna institucija. Uz dostavljeni uzorak potrebno je **dostaviti deklaraciju proizvoda** prijavljenog za takmičenje, a po mogućnosti priložiti i nalaze o redovnim analizama proizvoda u ovlaštenim ustanovama u proteklih šest mjeseci.

- Obezbjedenje statusa: **Učesnik u Akciji "SIMBOL KVALITETA"** stiče se uplatom posebne kotizacije za svaki prijavljeni proizvod za ocjenjivanje, u visini od **80,00 EUR (+ 17% PDV)**. Status "Učesnik u Akciji" može imati i firma koja nije registrovana kao učesnik Sajma "SIMBOL KVALITETA", ali se u tom slučaju cijena kotizacije uvećava za 25%.
- **Međunarodni poslovni susreti "PROMO" u svakoj od jedanaest (11) pod/grupa proizvoda dodjeljuje po tri nagrade. Nagradu čine status i medalja.**

Status dobijaju samo prvonagrađeni. Status se može koristiti u marketinške svrhe, ali sa naznakom godine za koju je dodijeljen. Status nagrađenog proizvoda glasi: **ZLATNI SIMBOL KVALITETA (NPR. MLIJEČNIH PROIZVODA) U 2009. GODINI**. Dakle, grupa proizvoda kojoj nagrađeni proizvod pripada je promjenjiva, dok je ostali dio teksta isti.

Medalje su kategorisane na: zlatnu, srebrnu i bronzanu. Medalja, uz pisani dokument, služi kao dokaz dobijenog priznanja ali i u prezentacijske svrhe. Pored ovih nagrada, Međunarodni poslovni susreti "PROMO" će dodijeliti i **nekoliko Posebnih priznanja.**

- **Proglašenje najboljih i uručivanje nagrada bit će obavljeno na svečanosti u toku trajanja Međunarodnih poslovnih susreta "PROMO" 2009. u prisustvu učesnika i gostiju manifestacija, te predstavnika medija.**

**KOORDINATOR SAJMA I AKCIJE :
„SIMBOL KVALITETA“**

Vasilka Jović, ecc